





John Carter Brown.





Encl. a. R. 23.

c

PETRI ALBINI
NIVEMONTII
COMMENTATIO
DE
LINGVIS PEREGRINIS
ATQVE
INSVLIS IGNOTIS
EX
SCRIPTO MANV IPSIVS EXARATO
EDIDIT
M. SAMVEL CNAVTHIVS
MISENENSIS
BIBLIOTH. ACAD. VITTEMB. PRAEF
ACCEDIT
HVGONIS GROTHII
DE
ORIGINE GENTIVM
AMERICANARVM
DISSERTATIO

VITTEMBERGAE IN SAXONIBVS
PVD IO. LVDOVICVM MEISELIVM
A. MDCCCLXIII

John Carter Brown
Library

832

JOHN CARTER BROWN

NOBILISSIMIS EXCELLENTISSI
MIS AMPLISSIMISQVE

V I R I S

RVDOLPHO CHRISTIANO

VVAGENERO

ARTIS SALVTARIS DOCTORI

EXPERIENTISSIMO MATHEMATVM IN ACADE

MIA IVLIA PROFESSORI PVBLICO

LONGE MERITISSIMO

ET

IOANNI GEORGIO

ECCARDO

HISTORIARVMIBIDEM DOCTORI

PVBLICO PERCELEBRI



PATRONIS FAVORIBVSQVE
MAXIMOPERE SVSPICIENDIS
HONORIS ET OBSERVANTIAE
CAVSA
NEC SINE
PERENNIS VOTO PROSPERITATIS
S



P. A
DISSERTATIO

John Carter Brown
Library

DE

DUOBVS HVIVS POSTREMI TEMPORIS

MIRACVLIS MAXIMIS

LINGVARVM

VIDELICET

PEREGRINARVM

CVLTVRA ET COGNITIONE

ATQVE

PORTENTOSA NAVIGATIONE

AD

INSVLAS IGNOTAS

O Perae pretium me facturum, putavi, si, de *duobus maximis Miraculis huius postremi temporis*, ac signis quasi indubitatis extremi diei, et status integritatis, propediem redituri, quorum duo tantum iam nominabo, *Nauigationem illam portentosam in Ignotas Insulas*, et *Linguarum Peregrinarum culturam et cognitionem*, aliquid proferrem.

Sic igitur cum aliis existimo, et maxima esse miracula signaque, si quis-

quam ita uelit , extremum diem , for-
 san paullo post ingruiturum , praecedenti-
 tia , et illustria argumenta , ut quidam ad-
 dunt, Christianae religionis, breui tempore
 in uniuersum terrarum orbem propa-
 gandae. Primum, quod uniuersus terrarum
 Orbis per aliquot annos nauigiis initio ,
 deinde etiam classibus , adeo peragratus
 sit, ut etiam in Oceano , quacunq; ille
 terris amplissime circumfusus est, nulla
 fere ora sit, nullum littus, regio nulla aut
 insula denique, in quam Christiani nomi-
 nis fama non penetrarit, Christiani nomi-
 nis, inquam , cum haec illustria facinora
 non a Iudaeis, non a Turcis , aliisque
 gentibus , sed a Christianae professionis
 hominibus , suscepta et perpetrata sint.
 Deinde, quod notitia earum Linguarum ,
 quae non modo Christianam nostram, ue-
 rum etiam Hebraicae gentis , religionem,
 diuinitus iam olim abrogatam , a princi-
 pio coelestis doctrinae complexae fuerunt,
 Latinae Ecclesiae prouinciis prope omni-
 bus sese mirabiliter insinuarit , atque in
 iis usque adeo adoleuerit, ut iam nulla,
 quamuis aliarum doctrinarum omnium
 studiis insignis alioquin , Academia omni-
 bus suis partibus integra et expleta
 censeatur, nisi , praeter Latinarum, qui-
 bus maiores nostri contenti fuerunt, etiam
 Graecarum et Hebraicarum literarum or-
 namentis illustretur, nullusque hac tem-
 pesta-

pestate, etiam uulgi eruditorum sententia, uere, solide, uel saltem speciose, eruditus habeatur, qui harum Linguarum alteram non penitus addidicerit, uel saltem aliquando cognouerit. De hoc autem, cum de altero paullo plus mihi dicendum sum- pserim, pauca priori loco, ne eius nu- dam fecisse mentionem uidear, addam.

Ac constat equidem apud omnes, Lin- guas et interpretationem earundem Spiri- tus S. donum esse, ut ex libri, qui de A- ctis sanctorum Christi Apostolorum no- men habet, capite non uno, et Epistola, quam diuus Paulus ad Corinthios misit, probari potest. Hunc enim, cum habe- rent insignes illi Dei serui, ac horum a- liquot in prima Ecclesia discipuli, in lucu- lentiore mensura, quam multi alii Eccle- siarum doctores, Linguis totius mundi ua- riis, ac omnibus denique, quibus uellent, locuti sunt. Vbi enim celsissimus ille animarum Hospes est, ibi nullius rei igno- ratio, Linguarum cunctarum peritia, fu- turarum etiam rerum cognitio, ut multa passim in sacris literis exempla testantur. Id uero Linguarum donum in Ecclesia e- minuit, in qua, sicut et uaticinii, et sana- tionum, una cum baptismo, cum Spiri- tu Sancto, cum manuum impositione, col- latum est, durauitque, ab Apostolorum temporibus, usque ad aetatem Irenaei, qui, se uariis Linguis suo adhuc tempo-

re loquentes audiuisse, libro quinto, commemorat. Fuit autem hic auditor Polycarpi, Ioannis, Euangelistae, discipuli, Ecclesiae Smyrnenfis Episcopi, doctrina, pietate, constantia, ac zelo uero pro gloria Filii Dei, maxime illustris, de quorum utroque Eusebius scripsit. Inde uero quasi restrictio facta est doni huius ad paucos, eosque tantum, qui multo labore multisque uigiliis, Deo tamen studiis ipsorum aspirante, id acquisiuerunt, inter quos fuerunt, Origenes, a lucubrationum assiduitate Adamantii cognomen adeptus, cuius librorum sex millia se legisse, scribit, aduersus Rufinum, Hieronymus, cui, in Origene, Epiphanius astipulatur. Hic enim, ex multorum interpretationibus, quorum autores ignorantur, quaeque sub Antonio Caracalla, et sub Alexandro, Mammaeae filio, apud Ierichuntinos, et Neapolitanos Septentrionales, a quodam Origenis familiari, ex illis, qui Hierosolymis pietati uacauerant, compositae et conflatae erant, adiuncto collatoque textu Hebraeo, celebrata sua τετραπλᾶ, ἐξαπλᾶ τε, καὶ ὀκταπλᾶ, confecit, etsi non desint, qui huic in Hebraica tantum et Graeca excellentiam tribuant. Fuerunt et inter hos illi, quos modo nominauimus, Hieronymus, et Epiphanius, πεντάγλωττος, de quo Hieronymus. Fuerunt, Isidorus, Albinus, Caroli M. praeceptor, quem sane numerum

rum exiguum admodum esse, uidemus, et, praeter hos, qui fama notiores sunt, nullos, aut rarissimos, in Historia Ecclesiastica occurrere. Nam de reliquis nouimus, quod fere binarum tantum Linguarum, quae, uel religionis cultu, uel doctrinarum studiis, hoc uel illo tempore, magis enituerunt, cognitione apud homines in admiratione fuerint, quorum ad catalogum pertinent, Aquila Sinopenfis, Symmachus Samarita, sub Seuero, Theodotion Ephesius, sub Commodio, Imperatoribus, S. Lucianus, magnus et religiosus Martyr, quorum quatuor Bibliorum uersiones Graecae praecipue laudatae sunt, Paulus Eremita, et alii, qui, cum Saeculo nostro multo propiores sint, hic omituntur. Ea uero de causa Linguarum studium et professio deinceps passim magis coli coepit, ut semper essent, qui doctrinas sacras et profanas ex fontibus haurire aliisque tradere possent. Graecorum sane literae, ante centum et quinquaginta annos, in Italiam, unde septingentis annis exularent, quasi postliminio reuocatae sunt per Chrysoloram, Bessarionem, Gazam, Trapezontium, Chalcondylen, Musurum, Lascarem, et alios, quos, ex Graecia profugos, quidam ex Italis, praecipue uero Medicaei, receperunt et liberaliter fouerunt. Atque hac quidem occasione ultra Alpes etiam penetrarunt illae, Basileae, in

Germania, initio, ante annos centum et amplius, traditae ab Andronico Cantoblanca, Lutetiae, in Gallia, ab Hieronymo Spartano, donec Ioannes Capnion, I. C., triplicis Linguae culmen et trilinguis Phoenix suo tempore uocatus, una cum Graecis, etiam Hebraeam Linguam in Germania docere coepit. Cuius temporibus, in Hispania etiam, Aelius Antonius, Nebrissenfis, in mediis bellis, Linguas tres, quas praecipuas et cardinales quidam uocant, restituit, quemque Iacobus Lopeſius Stunica, ex equestri ordine Theologus doctissimus, qui Arabicam etiam addidit, secutus est. Neque in Italia studium id refrixit, ubi floruerunt, Ioannes Picus, Mirandulae princeps, Datyli, Hebraei, qui Taurini uixit, discipulus, et, huius obtrektor, Mithridates Romanus, Aegidius Viterbiensis, et huius etiam discipulus, Hieronymus Seripandus, Patricius Neapolitanus, Hieronymus Aleander et Frid. Fulgosus, duo Romanae sedis Senatores Archiepiscopi, Augustinus Iustinianus, Genuensis, ex Dominicano Monacho Nebiensis Episcopus, ex cuius Bibliis Octaplis Psalterium totidem Linguarum celebratissimum est, Augustinus Steuchus, Eugubinus, Hisamensis Episcopus, Sanctes Pagninus, Lucensis, Petrus Galatinus, Minorita, qui Capnionem aduersus complices Hochstratianos defendit, et, qui hos antecesserunt,

runt, Raymundus Martinus, Gotalanus, et Porchetus, autores Victoriarum et Pugionis. Quibus omnibus Marcellus II et Paulus III, Pontifices Romani, una cum Ptolemaeis, Senensibus Nobilibus, Lactantio, patre, Laelio et Aemilio, filiis, sacrarum Linguarum omnium peritia insignibus, accensendi. Nec praetereundi in Hispania, Aelius Antonius, Academiae Salamantinae decus, et Franciscus Ximinius, Cardinalis, Antistes Toletanus, ac regnorum castellae Archicancellarius, qui, eodem fere tempore, quo in Italia et Germania ea, quae diximus, acta sunt, Compluti praedictarum Linguarum, et omnium bonarum artium disciplinarumque, domicilium opulentissimum atque amplissimum extruxit, sacro sanctos Codices, ut quisque uel sua scriptus, uel in aliam Linguam transfusus, quondam fuit, immani sumptu, emendari, atque speciosis typis exprimi, curauit. Quemadmodum et sua laus debetur Pelicano, Munstero, Fagio, Germanis, Guilelmo Postello, qui, cum, multis annis, in Academia Parisiensi, Professor Linguarum et Mathematicum Regius fuisset, more ueterum Philosophorum, Africae et Asiae littora celebriora, atque Europae oras Orientales, peruagatus est, et id demum consecutus, ut, se, edito scripto, quindecim Linguarum gnarum esse, testaretur, Comiuicto, Hispano, Iudaeo

daeo Christiano, qui Linguarum XV peritiam habuit, Petro Lusitano, regibus Aethiopum charissimo, qui, praeter Arabicum, Indicum et Lusitanum, sermonem, omnium prope hominum Linguas cognitatas habuisse scribitur, Theodoro Bibliandro, Germano, qui, se, Dei O. M. gratia et dono, iis Linguis, quae totum orbem terrarum longe lateque possident, facultatem aliquam scribendi et loquendi, aut certe de iis iudicandi, consecutum esse, ipse, in Commentario de ratione communi omnium Linguarum et, literarum, pulchre gloriatur. Quibus et, in hac Academia, non immerito accensendi sunt, magnus ille Lutherus, et diuinus Melanchthon, ὃν ζῶσέ τε καὶ κόσμησε θεὰ γλαυκῶπις Ἀθήνη, Casp. Cruciger, Ioan. Draconites, et alii, quorum memoria est apud nos in perpetua benedictione. Horum itaque omnium, quos honoris causa nominaui, ope atque opera, in Academiis, ingeniorum auiditate et industria eximia, coaluit quasi rursus discrepantia illa Linguarum Babylo-nica, in primis, quae bonarum rerum disciplina olim floruerunt, in Gymnasia, tanquam Latinae Linguae colonias, in tota fere Europa constitutas, immigranti-bus, adeo, ut Palaestina, Syria, Graecia ipsa, domi ueterem, et sermonis, et doctrinae, gloriam nitoremque amiserint. Sic igitur certum est, nunquam uno ali-
quo

quō seculo , a Christiana redemptione, tam multos in Europa Hebraearum , Chaldaearum et Graecarum , literarum peritos et intelligentes fuisse, quam multi, nostra aetate, in Germaniae, Galliae, Italiae, Hispaniae, Scholis inueniuntur. An uero non magnum hoc est , ut libenter nominaui, Miraculum? Sane utrumque , de quo partim aliquid iam dixi, partim uero dicere coepi, etsi peruulgatum iam uulgareque sit, tamen, sagacioribus etiam uiris, plus admirationis mouisse haecenus non uideatur, quam , quod eorum cogitationes in simplici rerum gestarum commemoratione tantum resederint , et adhuc residere uideantur, ad sempiternae uero diuinae .que prouidentiae seriem contemplandam minime prouectae sint, quod ipsum quoque oscitantiae nostrae genus an non Miraculi loco a nobis accipi posset?

Verum, de primo fatis. De altero etiam uideamus. Iam primum omnium constat, Nauigationes esse antiquissimas, quarum etsi diuersi a diuersis Scriptoribus passim perhibeantur autores, ut non consentiunt ea in re Diodorus, Strabo, Plinius, Eusebius, Clemens, Tertullianus, Tibullus, et si qui sunt alii, tamen dubium non est, quin, de autoritate Sacrarum Literarum et Iosephi, nauigandi et condendarum nauium usum a Noa, uel Iano, fluxisse, merito credere debeamus, ante quem mare tentatum esse, nusquam memoriae proditum est.

est. Ac, licet quidam adeo scrupulosi esse uelint, ut de Arca Noae disputent, tamen, quis non intelligit, petulantem potius, ne dicam asperius, lulum esse, quam, ut eruditae dubitationis quicquam huic, ut tandem, quod res est, eloquar, cauillationi inesse possit. Quam Sacrae Literae et Iosephus arcam uocant, ex ligno constructam, ea haud dubie nihil aliud fuit, nisi naus, ut et Berofus, Chaldaeus, teste eodem Iosepho, appellat. Sed, non teram tempus, eiusmodi ineptias uel referendo, uel confutando. Antiquitatem Nauigationum ostendere aggrediebar. Hic uero immensum sese offerret pelagus, si in id descendere liberet. Nota sunt, quae de Nautilo, Ozene, ex Polyporum, et Neritide, ex Pectinum, genere, scribant Historiae naturalis autores, atque, ut, ex illis Nauigationis rationem petitam esse, uelint. Vetusae autem sunt Nauigationes, ut tantum summa rerum uestigia libem, Minois, Neptuni, Atlantis et Danai, testibus Strabone, Diodoro, Clemente, Plinio, et adeo quidem uetusae, ut tunc fabulae inde natae sint et prouerbia, tum denominationes locorum durabiles. Vetusae sunt inuenta Aeoli, Daedali, Eupolemii, Anacharsidis, Iasonis, Amoclis Corinthii, Nesichthonis Salaminii, Xenagorae Syracusani, Nesigitonis, Alexandri Magni, Ptolemaei Soteris, Demetrii, Antigoni.

ni, Philopatoris, Hippii Tyrii, et aliorum. Accensentur uetustis nautis non immerito Myfi, Troiani, Samothraces, Tyrii, de quibus Strabo scribit, et Tibullus sic canit, *Vtque maris uastum prospectet turribus aequor,*

Prima ratem uentis credere docta, Tyros.

Addendi etiam sunt Aegyptii, Phoenices, Erythraei, Cyrenenses, Rhodii, Cyprii, Athenienses, Carthaginienses, Thasii Tyrreni. Verum, de iis omnibus nunc nihil dicere institutum nobis est. Celeberrimae in primis fuerunt Nauigationes nautarum Salomonis, Regis, de quibus paullo post sermo repetendus erit, Nearchi Macedonis, Iamboldi, mercatoris Graeci, Hannonis Carthaginiensis, omnes in mari Indico et Atlantico, classis item, quae emissae est a diuo Augusto, in Septentrionali Oceano. Sed, hae commercii nostrorum hominum iam pridem omnes perreptatae sunt.

Igitur de multo maiori re modo nobis dispiciendum est. Illae sunt Miraculosae Nauigationes Hispanorum, ante annos fere centum inchoatae, postmodum, ut omnibus fere in rebus fieri solet, ad hanc usque aetatem continuatae, excultae, perfectae, sicut nulla fere res, nulla etiam ars, intra initium suum stetit. Audax profecto hominum genus, Hispani, qui, quod fieri non posse, multorum sermone audierant, id tamen primitentare non dubitauerunt, audaces praecipue unius nauis uecto-

uectores, qui uniuersum illum rotundum mundi globum, quam longe lateque patet (qua de re mox pluribus agemus) penitus circumire non timuerunt. Quam historiam, quia, iucundissimam eius apud animos omnium reuocationem fore, scio, paullo altius ordiar. Haec igitur prima Nouarum Indiarum inuentarum origo est.

Nauis quaedam, in Oceano Atlantico, nescio, quo, cursum instituens, ui tempestatis oborta, a uento subfolano, grauissime furente, ad Terram Ignotam, nec ullis cognitam Cosmographiae libris, uiolenter reiecta est. Gubernator eius nauis, cum tribus aut quatuor sociis, fame et penuria fractis, uix tandem ad Insulam Maderam, in mari Lusitanico sitam, nauem appellere potuit. Habitabat id temporis in illa Insula Christophorus Colonus, quem male quidam Columbum nominant. Is, non magnae fortunae, sed acris ingenii, uir, doctus Latine mediocriter, sed Cosmographus solertissimus, ex agro Ligustico (nam Ligur erat) in Lusitani-
am ueniens, uxorem ex Insula Madera duxerat. Apud hunc naufragus ille gubernator nauis solus (nam socii in ipso statim portu obierant) hospitio receptus est. Sed, cum, et sibi mortem ingruere, sentiret, Scripturas quasdam Cosmographicas, ac totam mortiferi illius itineris rationem,
et In-

et Incognitarum Terrarum , ad quas reiectus fuerat, delineationem, Colono in manus tradidit, et, quam hactenus celauerat, rem, metu mortis, omnem aperuit. Quo facto statim animam efflauit. Colonus igitur, iam alta spirans, animum serio erigere coepit ad ea, quae diu ante animo uoluerat, ut scilicet quaereret diuitem Marci Poli Cipangum, atque Antipodum terram. Nam, id ut facere in animum induceret, adductus erat locis quibusdam Homeri, Platonis, Aristotelis, Cratetis, apud Strabonem, ipsius etiam Strabonis, Plinii, Virgilii, Senecae, et ceterorum, ex quorum diuersis testimoniis collegerat et didicerat homo sagacissimus, esse adhuc Terras et Insulas, sui temporis hominibus Incognitas, ideoque ea, quae aliis plerisque uana uidebantur, non solum credit, sed experiri statuit. Sane res talis est, quae unicuique nostrum, non plane hebeti et stupido satisfacere potuisset ad credendum id, quod homo fortunatissimus uerum esse uidit, et ad statuendum omnino, nouum illum orbem ueteribus quoque non prorsus incognitum fuisse. Estque profecto quaestio haec plena iucunditatis et delectationis, quam a Colono apud se plane solutam et affirmatam esse, existimo, antequam opus tam arduum aggressus est. Et si enim appellatio ipsa noui orbis prae se fert, antiquos de tot insulis il-

lis regionibusque , intra centum annos
propemodum detectis, nihil aut perparum
sciuisse, praesertim, cum in plerisque ue-
terum commentariis altum de iis existime-
tur esse silentium, tamen homo cordatus
animaduertit, non nullius esse momenti,
tot Philosophorum, Poetarum, Geogra-
phorum, Grammaticorumque, addo et-
iam, Sacrarum Literarum, quae ipse intel-
ligere sibi uisus est, testimonia, ideoque,
Nauigationes illas ueteres, quas sine dubio
fuisse, statuit, in usum reuocare posse, mi-
nime dubitauit. Sed uideamus illos, quos
modo nominauimus, autores ueteres, ut
et Coloni institutum eo magis approbemus,
et euentum successumque, qui profecto
tandem felix secutus est, eo minus admi-
remur. Vt igitur a Sacris Literis incipia-
mus, in libri de Regibus tertii capite no-
no mentionem fieri, nouimus, Insulae O-
phir, ex qua classis Salomonis et Hirami
quadringenta uiginti auri talenta ad Salo-
monem aduexit. Eo enim in loco sunt, qui
nouas Indias intelligant, alii etiam, qui,
de Hispaniola, in eodem nouo orbe, uer-
sus Occidentem, inuenta, quam ab Hebe-
ri nepote, Ophir, de quo est Genesis de-
cimo, dictam esse, autumant, interpreten-
tur. Nec de his plura nunc addam. Ho-
merus, Odyssaeae α, u. 23, sic scribit,
Ἀἰθίοπας, τοὶ δὶ χθρὰ δὲ δαΐαται, ἑσχατοὶ ἀνδρῶν,
*Extremos hominum, Aethiopas, geminisque
diremptos Partibus.*

Hoc

Hoc de Africae Aethiopibus uix intelligi posse, sed duplices eos statui debere, et ad Occidentalem illam Insulam ab Homero respectum esse, ex iis, quae sequuntur, apparebit. Et Strabo, Libro primo, de sententia Cratetis hanc ipse affert explicationem, interprete Xylandro. *Sicut ergo a nobis ii dicuntur Aethiopes, qui, uersus meridiem siti, totius habitatae terrae in extremo, ad Oceanum accolunt, ita putant, etiam trans Oceanum intelligendos esse alios quosdam Aethiopes, reliquorum extremos, qui in altera temperata zona ipsi quoque ad Oceanum habitent. Eos ergo geminos esse, et bifariam diuisos. Haec Strabo. Praecipue autem locus Platonis, in Timaeo, Colonum, primum illum Occidentalium Indiarum inuestigatorem et inuentorem, animauit, ut credibile est, ubi introducit Socrates, cum Atheniensibus loquens, in haec uerba. Traditur uestra ciuitas restitisse olim innumeris hostium copiis, quae, eo Atlantico mari profectae, prope iam cunctam Europam Asiamque obfederant. Tunc enim erat fretum illud Columnnarum Herculis nauigabile, habens, in ore quasi uestibulo eius, Insulam, Libya simul et Asia maiorem, per quam ad alias proximas Insulas patebat aditus, atque ex illis ad omnem continentem, e conspectu iacentem, uero mari vicinam. Pelagus illud uerum mare, terra quoque illa uere erat continens. Verum post haec, ingenti terrae motu, iugique unius diei et no-*

His illuione, factum est, ut terra debiscens omnes illos uestros bellicosos homines absorberet, et Atlantis Insula sub uasto gurgite mergeretur. Quam ob causam innauigabile pelagus, illud, propter absorptae Insulae limum, relictum fuit. Hactenus Plato. Quae certo omnia ita conueniunt descriptioni omnis terrae, postea ab Hispanis inuentae, ut, si, tanto spatio mare Atlanticum, quantum magnae illius Insulae fuisse dicitur, contineri, statuamus, ouum ouo non sit futurum similis. Idem autem propemodum in Critia scribit, quem locum prudens omitto. Aristoteles, in libello, de mirandis in natura auditis, etiam habet ea, quae non sordere, in hac liberali consideratione, debeant homini erudito. Trans Herculis Columnas, inquit, ut interpretatus est Pircamerus, in eo mari, quod Atlanticum dicitur, inuentam quandam Insulam a Carthaginensium mercatoribus olim fuisse, perhibent, a nullis id temporis habitam, praeterquam a feris, et propterea syluestrem admodum et multis refertam arboribus, alioqui fluminibus plurimis, ad nauigandum aptissimis, plenam, ac incredibili quadam omnium rerum nascentium ubertate proluentem, sed remotam a continenti plurium dierum nauigatione, ad quam cum nonnulli Carthaginensium mercatores forte accessissent, captique eius loci ferilitate ac aeris clementia, ibi sedem fixissent, commotos ob id Carthaginenses, ferunt, consilio publico decreuisse, morte indicta, ne quis

quis posthac illuc nauigare auderet, et, qui iam erant, iussisse statim, interfici, ne ipsius Insulae fama perueniret ad alias nationes, submitterenturque alicui fortiori imperio, ac fieret quasi oppugnaculum quoddam aduersus eorum libertatem. Et, libro eodem, ut idem interpretatus est. Aiunt, etiam Phoenices illos, qui ultima Gadium incolunt, cum trans Herculis columnas per dies quatuor enauigassent, uento maximo, Apeliote, tracti, applicuisse tandem ad loca quaedam, inculta prorsus ac deserta, uerum plena multa illuue et continuo paene conquassata motu. Ea, ubi cessauerit aestus, facile conspici posse, sed, redeunte, immergi, in quibus inuenisse eos, affirmant, incredibilem quandam thynnorum multitudinem, magnitudine quidem et amplitudine admirabili. Tum uero ab his laqueos parari coepisse, quibus caperentur, captos autem membratim concidere, atque eorum carnes desiccare paulatim consueuisse, ac demum in uasis reconditos deferre Carthaginem. Verum a Carthaginienfibus non exportari ulterius e ciuitate, sed potius eos domi consumere, ob eam, quam ferunt huiusmodi pisces in conuiuiis dignitatem et excellentiam de se praestare.

Virgilius etiam, libro sexto Aeneidos, canit,

Iacet extra sidera tellus,
Extra anni solisque uias, ubi coelifer Atlas
Axem humero torquet, stellis ardentibus aptum.

Quod Seruius quidem de Aethiopia Maurorum, apud quos Atlas mons est, interpretatur, uerum haud dubie de Atlantica Platonis Insula intelligendum est, quam, poeta doctissimus, extra zodiacum, tam uersus Septentrionem, quam uersus meridiem, se extendere, scribit. Quare, tum quoque temporis Americam notam fuisse, opinari cur non liceat? Memoratu dignum est praeterea Plinii testimonium, qui, libro secundo, capite LXVII, scribit, *A Gadibus Columnisque Herculis, Hispaniae et Galliarum circuitu, suo tempore totum nauigatum fuisse Occidentem, Septentrionalem uero Oceanum, maiore ex parte, nauigatum esse auspiciis D. Augusti.* Insuper ait, *Nepotem Cornelium autorem esse, Eudoxum quendam, sua aetate, cum Ptolemaeum Lathyrum fugeret, Arabico sinu egressum, Gades usque peruectum, multoque ante cum, Coelum Antipatrum uidisse, qui nauigauerit ex Hispania in Aethiopiam, commercii gratia. Eundem Nepotem de Septentrionali circuitu tradere, ait, Q. Metello Celeri, C. Afranii in consulatu collegae, sed tum Galliae proconsuli, Indos a Rege Sueuorum dono datos, qui, ex India, commercii gratia, nauigantes tempestatibus essent in Germaniam abrepti. Haec ille. Quid sentiendum porro de Strabonis narratione, quam habet libro secundo, de Menelai, regis Graecorum, peregrinatione, ex Aristonico, Grammatico, qui dicat, eum circumnauigasse per Gades usque ad Indiam,*

tempus

tempus etiam peregrinationi accommodans, quod octauo nimirum Anno redierit? Et, de commemoratione alia, quae est eodem libro, de Eudoxi περιπλω, quam, quia satis longa est, hic omitto. Ad hos denique omnes accedit Seneca, qui, tanquam uates, sic enuntiat.

*Venient annis secula seris,
Quibus Oceanus uincula rerum
Laxet, nouosque Typhis deteget orbes,
Atque ingens pateat tellus,
Nec sit terris ultima Thyle.*

Haec igitur, et alia, sine dubio extimularunt Colonum, ut, id, quod alii stultitiam reputarent, ipse sapiens, summae sibi felicitati perpetuaeque saluti fore, non dubitaret. E uestigio igitur fratrem, Bartholomaeum Colonum, ad Serenissimum Angliae regem, Henricum VII, expedit, cuius regnum tunc pacatum fuit et opulentum, ut exponeret, si sibi naues et facultates a rege darentur, effecturum se, ut, nouis et auriferis regionibus repertis, Angliae regnum omnium regnorum totius Europae longe florentissimum redderetur. Sed passus hic repulsam, idem apud Lusitanum, Alphonsum V, tentauit. At uero, quia hic meridionales Africae oras bello lacebbat, et iam uiam sternere Calecutum uersus incipiebat, miser Colonus tantum hic, quantum ibi, impetrabat. Sed nec tum tamen animum sic abiecit. Tertio enim rem ten-

tans, apud Ferdinandum Catholicum, id temporis bello Granatensi impeditum, omnes machinas, ut uoti compos fieret, ad-mouens, tandem, superatis Mauris ac tota expulsis Hispania, retulit, quod uoluit. Dantur a Rege XVI millia Ducatorum, datur et classis, sed trium duntaxat nauium, dantur in comitatum homines XII. Hic tam paruus apparatus tantas tamque inau-ditas postea res, quantae hodie de Indiis constant, excitauit. Colonus fortissimus, cum exigua sua classe mari se exponens ua-stissimo, ex Hispaniis soluit, Anno, a Chri-sto nato, millesimo quadringentesimo se-cundo et nonagesimo, tertio nonas Augu-sti. Progresso iter aliquot dierum, tanta graminis, per mare fluitantis, ubertas classi occurrit, et tandem totam circumsepsit, ut tanquam in pratis herba uirentibus na-uigare uiderentur. Quare tum etiam ma-gis, quae de submersa Atlantica apud Pla-tonem legerat, uera esse, ut credidit, sic timuit. Nihilominus, gramineum tandem mare superans, post multa pericula, post duram toleratam famem, uix tandem cum suis in Incognitas, quas quaerebat regio-nes, nuda, barbara et inermi, gente habi-tatas, sed auri diuites, appulsus est. Cum ex indigenis rogaret de sua, quam semper somniauerat, Cipango, indicauerunt, re-gionem uocatam Cibao. Ecce, iterum allusio nominis, quod casu contigerat, id
ut

ut ratione euenisse putaret, effecit. Statim naues duas (nam tertia, illisa scopulis, perierat) auro, gemmis, decem Indis hominibus, Gallipauis multis, psittacis, uarii coloris, non paucis, et aliis multis barbaris rebus, onerat, ac tandem triumphabundus ad Regem, tertio Nonas Apriles, anno sequenti, reuertitur. Rex laetari, et magno honore Colonum afficere, adeo, ut mox eum, *Admirantis*, quem *Ammiralium*, nunc uocant. Indiarum honorificentissimo titulo decoratum, diplomate expedito, duodecima parte omnis emolumenti, quod ex profectione Indorumque subactione redundaret, donauerit, et cum classe maiori eo, unde redierat, e uestigio remiserit.

Haec principia, haec prima fuerunt initia, tantarum tamque mirabilium rerum, quae postea in Nouis Indiis, quae America uulgo nominantur, gestae esse commemoratione cognoscuntur, et in historiis Hispanicis exactius, quam alibi, leguntur. Haec noua Noui Mundi, uel potius NouaeMundi Partis, inuestigatio extitit. quae adeo multos haecenus latuit, Hispanicae linguae ignorance (quandoquidem nulla alia Lingua extare dicuntur) ut inter primos Hugo Blotius, uir clarissimus, et Caesareus bibliothecarius, se operae pretium facturum, putaret, si ex ueris, Hispanice conscriptis, historiis haec pauca, ad utilitatem legentium, depromeret. Tribui-

cur autem Colono praecipue Cubae, Hispaniolae, Cubaguae, Insularum, item Verraguae et Vrabae, Indicae continentis Prouinciarum, detectio.

Crescentibus deinceps magis atque magis apud novos Indos Hispanorum rebus, alii atque alii, spe diuitiarum excitati, aliquid noui aggredi meditati sunt. Itaque factum est, ut, postquam Americus Vesputius ille, post Colonum Genuensem, Anno mccccxcvii, iussu Regis Castiliae, eam ipsam regionem ingressus esset, eique nomen Americae dedisset, deinceps etiam aliae Nauigationes institutae sint. Nam sub Carolo V secuti sunt, Ferdinandus Cortesius, qui nouam Hispaniam et Mexicanum Montezumae regnum aperuit, et Vascus Nunez Valboa mare Australe, quod uulgo Mare Del Sur dicitur, ingressus est, sicut et Franciscus Pizarrus Peruanum ingens illud Attabalibae regnum reperit, Magellanus Magellanicum, a suo nomine dictum, Fretum, Pontius Legionensis Floridam Prouinciam, Fernandes Iucatanam, detexerunt. Verum imprimis memorabile et insigne fuit inceptum, quod Ferdinandus Magellanus, natione Lusitanus, cui Fretum Magellanicum, una nauigatione, simul et immortalem gloriam, et mortem, attulit, tentare ausus est. Is enim, Hispanici Regis munificentia excitus, a suo Rege deficiens, ad hunc confugit, persuadens illi,

fi

si sibi nummi et naues darentur, non antea nauigatione se destitutum, quam aut moreretur, aut Fretum aliquod inueniret, quae Lusitani nauigarent (nam hi nauigando ad Orientem tendunt) ad Insulas Moluccas, omnibus aromatum speciebus foetas, diuersissimo itinere, aditum patefaceret. Rex et huic quinque nauium classem, comitatum, armamenta, CCXIII homines in comitatum, suppeditat. Anno itaque a Christo 1519, mari uasto se committit, ad tractum Peruanum cursum dirigens, inde meridiem uersus littora legens, post acerbis quasdam clades, missa una naui, et altera, inuito eo, ad Hispaniam redeunte, fretum, quod cogitaret, inuenit quidem, sed, inde ad Moluccas, occasum uersus, deflectens, in diuersas, nunquam uisas, lectas, aut auditas, Insulas incidit, quibus dum bellum inferre conatur, confossus miser et dilaceratus a Barbaris, multis quoque ex suis desideratis, gloria, quae tanto facinori debebatur, frui non potuit. Nihilo tamen segnius, qui suberant, socii iter institutum persequuntur, et ad populos, aduersis nobis uestigiis oppositos, indeque ad Moluccas, perueniunt, atque hinc non, quae uenerant, eadem domum redeunt, sed, ut periodum absoluerent cogitatum, et uniuersum circuirent mundum, recta uia prorsum procurrunt. Qua nauigatione, secundum solem in occasum directa, obseruatum etiam

etiam fuit , ipsos senas horas annuas ,
 quae nobis , quarto quoque anno , Febru-
 arium mensem uno die longiorem faciunt ,
 anteuertisse , quartique anni initio diem
 prope unum ex nautica ephemeride exem-
 ptum ipsi ita fuisse , ut , cum , VII Iduum
 Septembres , portum Hispalensem inuehe-
 rentur , VIII diem Iduum , ex accuratissima
 annotatione , numerarint , quo miraculo
 non Oceani tantum , sed et solis , di-
 mensionibus uim factam , confiteri nos ,
 necesse est. Ita tamen sibimetipsis nauiga-
 runt ii infelicitè , ut ex quinque nauibus
 una duntaxat , cui Victoria nomen erat , et ,
 ex hominibus CCXXIII , unus tantum Io-
 annes a Cano , eiusdem nauis gubernator , cum
 XIIII uectoribus , post enauigata duodecies
 mille milliaria nostratia , post sexies sine lac-
 sione transmissam torridam zonam , quam
 ueteres philosophi et poetae nemini , pro-
 pter aestum , tolerabilem finxerunt , trienna-
 li menstruoque cursu confecto , cum maxi-
 ma Regis Hispanici , atque etiam Lusitanici ,
 uoluptate redierint.

Anne igitur philosophiae contemplatiuae
 experientia rerum praeponderat? Nonne hic
 ueterum Philosophorum mundi situm falsis-
 simum manifeste deprehendimus? Quòd et
 de aliis , de quibus nunc tacemus , iudicare
 cur non liceat? Noti sunt errores ueterum.
 Metrodorus , Heraclides , et quidam Philoso-
 phi

phi Pythagorici, asseuerauerunt, mundos,
i. e. terrae et aquae globos, esse plurimos.
Idem cum Alexander ille Magnus, Ana-
xarchum, Philosophum, disputantem au-
diuisset, et serio, quod dicebatur, credi-
disset, effusus rex in lacrymas, se nondum
unius mundi dominum esse, deplorauit.
Extiterunt quidam, qui septem, quidam qui
decies nouies, mille mundos numerarent.
Quin, ita quosdam delirasse, constat, apud
Seculum prius, ut, singulas stellas, singu-
los mundos esse, sibi persuasum haberent,
immo, illud nubilosum, quod in luna cer-
nitur, plenum esse hominibus, animalibus,
arboribus, montibus et rupibus, existi-
ma-
rent. Quid, quaeso, magis ridiculum i-
stis hominibus inueniri possit? Quid illos,
quaeso, mouit, ut, cum nullam paene par-
tem eius mundi, in quo constituti erant,
exploratam haberent, mundos, somnia-
rent, esse ibi, quo, non dicam corpore,
sed ne ingenio quidem, peruenire potue-
runt? Rursum alii, qui uno mundo con-
tenti fuerunt, horum quidam, duas par-
tes habitabiles et habitatas esse, defende-
runt, in quibus fuit Thales et Aristoteles,
et, post illos fere omnes, qui de mundi ha-
bitatione iudicauerunt. Nam, cum totum
globum mundi in quinque zonas diuide-
rent, et extremas duas, propter frigus, me-
diam, i. e. torridam, propter aestum, neque
habitata, neque habitabilem, esse statue-
rent,

rent, efficiebatur, ut duarum residuarum altera in nostro hemisphaerio, altera in contrario, habitabilis superesset. Admiserunt ergo, etiam ultra torridam zonam habitare homines posse. At unde id scire potuerunt, si neque hinc illuc, neque illinc huc, ulla esse transmigratio, propter aestum, poterat? Sequebatur et alterum absurdum, quod illi, qui ultra torridam zonam habitarent, ab aliis parentibus, quam a nostris primis, Adamo et Eua, originem trahere deberent. Sed horum omnium falsam assertionem refutauit rerum omnium magistra, experientia. Et, quantum ad partem quidem mundi septentrionalem attinet, Galeotus Narniensis, Saxo Grammaticus, Olaus Magnus, et quidam alii, scriptis libellis testatum reliquerunt, Hyperboreos, et illos, qui in Scandinauia, et aliis regionibus, longe ad Septentrionem reiectis, habitant, non tantum frigus tolerare posse, sed etiam et commode uiuere, et ad iustam senectutem peruenire. Optima sane Insula, et saluberrima totius Septentrionis, collocata est proxime Polum arcticum, ultra Islandiam et Gronlandiam. Et Martinus Forbisslerus, Anglus, nauigatione sua in regiones Occidentis et Septentrionis, A. MDLXXXVI instituta et perfecta, satis ostendit, in illis polo arctico maxime uicinis, regionibus multos homines, etsi barbaros, habitare, qui sint magno

gno corpore et bona proportione, et si frigus fere perpetuum habeant. Nec reticuit ille, qui Forbifferi nauigationem descripsit, hoc, quod iam dictum est, *a uero ueteres aberrasse, qui duas zonas, circulis polaribus inclusas, ob ingens et perpetuum frigus, coelique asperrimam intemperiem, inhabitabiles esse, crediderunt.* Dicit enim, se cum sociis, Dei beneficio, plane diuersum expertum esse et asseuerare posse, non solum scilicet habitabiles, sed etiam habitatas, esse ab hominibus, licet syluestribus, stupidis, indomitis, et quasi rationis usu carentibus. Et, quanquam illae Septentrionales regiones perpetua niue et glacie obductae sint, solisque radii, ob debilitatem, et quia a terra non refringuntur, illas dissoluere non possint, nihilominus tamen Deum Opt. Maximum, qui hominibus terram inhabitandam dedit, sua infinita et admiranda bonitate et potentia eas quoque regiones, quae falso, habitari non posse, credebantur, ita temperasse, ut homines ibi durare possint. Haec ex illius Historia. Quicquid uero torridae zonae subiectum, et ad austrum detrusum est, id totum Hispanorum nauigatione ita ubique, ut iam diximus, detectum est, ut uix ulla uel minima insula nondum explorata remanserit. Et haec quidem, de ueterum traditis, corollarii quasi loco, ad nostram, de nouis et apud priscos inauditis Nauigationibus, narrationem adiicere uisum fuit. Repeterem nunc eadem ratione aliquid ex histo-

historia Nauigationum Cortesii, Valboae, Pizarri, Pontii, et aliorum, nisi breuitati studerem.

Itaque, Nauigationibus in praesentia omissis, coronidis loco, breuissimis uerbis studiosam Germaniae Iuuentutem exhortor ad Linguarum Peregrinarum studium, omnium maxime laudabile, et, ut ostensum est, miraculosum etiam, quod sine dubio Deus, ex ingenti amore eo, quo genus humanum, et in primis Ecclesiam suam, prosequitur, his postremis temporibus excitauit. Sed hoc non agam solus. Asciscam enim mihi socium Oratorem, diuinum illum et apud Germanos Clarissimum Periclem, Reuerendum D. Lutherum, qui, in libro de Constituendis Scholis, Linguarum laudes egregie complexus, praeclare differit, quare hominum, et Ecclesiae in primis, hostis acerrimus, Genius ille maior, Linguas emergentes saepius studuerit prohibere, et, cur Linguarum in lucem reuocatio et cognitio ingratisissimus fuerit diabolo hospes, cum optime sciret, Euangelium peritia Linguarum esse reuelandum Ecclesiae, et earum adminiculo apud eandem retinendum, quemadmodum et tempore discipulorum Christi Lingua Graeca ac Latina longe lateque sparsa per orbem fuerint, et, ante nostra tempora, Graecia a Turcis occupata, a profugis Lingua Graeca spargi ac doceri in orbe coe-

perit, ideoque, quam chara nobis est uerbi et ueritatis reuelatio, quam charum Euangelium, tam charum esse nobis debere Linguarum studium, tam charam earundem conseruationem, cum certissimum sit, lucem in doctrina coelesti commodè nunquam retenturos esse nos, nisi fiat earundem auxilio. Quaeque alia ille, eodem in libro, pulcherrime, ad commendationem Linguarum aduocat, quod, uidelicet earundem amissionem semper in Ecclesia tenebrae secutae sint, quod, Patrum etiam sanctissimorum aetatibus, errores ex Linguarum imperitia inuecti, et, quales ipsorum expositiones sint sine Linguis, Scripturae S. interpretibus. Denique de Concionatorum, et Scripturae doctorum interpretum, deque aliorum Theologorum ἀγλωττων, et Linguarum cognitionem habentium, maxima differentia. Cui dissertationi, eruditissimae simul et piissimae, hoc etiam encomium inserit. *Vaginarum*, inquit, uice sunt Linguae, in quibus gladius ille Spiritus, nempe Verbum Dei, tenetur insertus. *Arcae* sunt, seu thecae repositoriae, quae repositum hoc nobile αευηλιον asseruant. *Pocula* sunt, quibus salubrem hanc potionem exceptam circumferimus. *Gellae* sunt promptuariarum, ex quibus promus concionator haec Euangelica cibaria depromit. Atque, ut sacrae literae ipsae indicant, cophini sunt, in quibus panes, adeoque reliquiarum fragmenta,

ne pereant, custodiuntur. Quod si nobis, exclamat Vir magnus et fidelis monitor, supine stertentibus (sors dicta refutet) per incuriam elabentur Linguae, timendum est omnino, ne non tantum Euangelium amittamus, uerum ad eas rursus misérias delabamur, ut nec Latinum sermonem, aut etiam uernaculum, quod maioribus nostris euenit, recte sonare et scribere calleamus. Hunc igitur Patrem et Doctorem uestrum si audietis, et Deo grati acceptique militiam uestram rite militabitis, et, pro uestra quisque parte, et cum bona conscientia, nec non uestro honore et emolumento, non committetis, ut in Republica, tam Politica, quam Christiana, administrationem obeant boues Cyprii, aut porci Acarnanii, h. e., homines brutissimi, sed semper optimi doctissimique, et tantum liberalissime educati, functionibus publicis adhiberi queant, eorumque coepta felicem successum fortiantur. Quare uos obsecro, quantum potestis, ad uerum eruditionis decus, quod in Linguarum studio reconditum est, clamoribus, nescio quorum, neglectis, summo nisu, rectoque cursu, uelis quisque, contendite, laborem tantilli temporis, quo hic haerendum erit, magno animo contemnite, spernite, floccifacite, uobis in longum consulite, ita uos comparate, ut non solum ex pusillo, qui uobis exantlandus erit, labore, perpetuo in reliquam aetatem felices

felices gaudeatis, potius et honorati sitis, quam, pro breui et caduca uoluptate, quam plerique in turpi socordia et otio positam esse falso existimant, semper miseri, a doctis merito irrideamini, contemnamini, in honore nullo habeamini, et quasi in perpetuo luctu uersari cogamini, sed etiam, quod caput est, Ecclesiae Christi et rebus publicis de uobismet ipsis et aliis gratulari et gaudere possitis. Hanc uiam si feruenti animo affectaueritis, secundabit Deus O. M. bonos conatus uestros, ingenium augebit, uires addet, uoluntatem excitabit, ac omnia dehinc uobis bona in hoc mundo larga manu suppeditabit, et ad supremum, post fragile hoc et caducum humi depositum, corpusculum, animus uester, quo nihil uobis in uita praestantius a Deo datum est, ad supremum illud beatorum domicilium, ex hoc ergastulo, fursum euolabit, ubi, perpetua felix beatitudine, in sempiterna secula laetetur, exultet, gaudeat, et, in conspectu diuini illius Numinis, sese oblectet, recreet, ac uoluptatem ueram, stabilem ac constantem, et talem, quae omnem ingenii humani caput superet, sine fine, nec interruptam, quod uos Deus iuuat, experiatur et sentiat.

Scriptit haec Petrus Albinus Vittembergae Dres-
dam demigeraturus, circa A. 1710 xc.

HVGONIS GROTH
DE
ORIGINE
GENTIVM
AMERICANARVM
DISSERTATIO

V Ideo, ueteres, tum, qui terras, tum, qui res gestas, descripserunt, multum in eo posuisse operae, ut, aut ex monumentis antiquis, si possent, aut, si ea deessent, ex fama, aut coniecturis, nos docerent, unde uenissent, qui terras quasque primi habitauerant. Sic Dionysius Halicarnassensis, multum praetergressus omnium Italorum diligentiam, ex Graecorum monumentis, ad quae agcessit et alia argumenta, nobis ostendit, unde origo fuerit populis, qui primi Italiam tenuere. Sic Sallustius, qui Africam, Tacitus, qui Britanniam, primi infederint, inquirunt diligenter, ille ex ueteri fama, hic partim ex fama, partim ex coniecturis, quas supeditabat lingua, habitus, mores. Apud Strabonem, magni iudicii uirum, multae sunt inquisitiones eius generis. Haec cum
ita

ita se habeant, miratus sum saepe, quod, ex tot nostri seculi uiris eruditis, nemo solícite inquisiuerit, unde ortum haberint gentes illae, quae, ante Hispanorum aduentum, illas habitarunt terras, quas, incognitas ueteribus, alii, a Vespucio, Americam, alii, Occidentalem Indiam, appellamus, eam dico, quae ab Oceano Septentrionali ad Magellanicas maris fauces, longis ac plurimum latis etiam spatiis, se inter mare Atlanticum, et alterum, quod Sinas alluit, et aliis Pacificum, aliis del Zur, dicitur, extendit. Ego, cum legissem non nulla scripta Hispanorum, Gallorum, Britannorum, Batauorum, qui in illis fuere oris, putaui, me rem facturum non inutilem, si, quae mihi maxime uidentur probabilia, communicarem, et nunc uiuentibus, et posteris, eo animo, ut alios, quibus per peregrinationes in eo orbe, aut etiam per libros, qui in meas manus non uenerunt, maior earum rerum contigit notitia, excitarem ad nostra haec aut confirmanda, aut bonis rationibus refellenda. Video, multos esse, qui, omnes eos populos uenisse, putent, ex Scythia, quam Tartariam magnam nunc uocamus. Argumentum habent, quod ad Anianum, siue fretum, siue sinum (utrum enim sit, nondum constat) non magnum sit inter Tartariam Americamque interuallum. Quod si is sinus sit, terras esse contiguas,

ac ob id facilem transitum, si sit fretum, id, quo magis intratur, angustius fieri, ac proinde fauces illas, quales sunt Helle-sponti, aut, in Thracia, Bospori, nullo negotio nauibus potuisse transmitti. Haec, ita summa, ut ita loquar, in cute specta-ta, speciem ueri habent, introspecta ta-men mihi se non persuadent. Constat e-nim, in omni America, ante Hispanorum aduentum, equos fuisse nullos. Scythia autem plena semper equis, et Scythae fe-re omnes equis uehi, et in equis ingentia spatia terrarum conficere, etiam sanguine equorum, si alia deessent, in potum uer-so, soliti. Quod si cohaerent America et Tartaria, equi, aut fugitiui, aut libere pascentes, ex Tartaria in Americam olim penetrassent, sicut, equos ex terris Ame-ricae aliis in alias, magnis diuisas montibus, penetrasse, constat, Hispanorum relatu, e quo Hispani equos illuc aduexere. Si ue-ro perpetuum intercedit fretum, quod magis credo, Tartari nunquam nauigato-res fuere, et, si fuissent, non magis transiis-sent sine equis, aut diu esse sine equis, uo-luissent, quam Galli ueteres, qui in Britan-niam, aut Hispani, qui in Americam, trans-siere. Ego, ut dicam, quae mihi maxime se probant, primum dispescam Americae populos, in eos, qui sunt ad Septentrio-nem, cis Isthmum, qui est inter Nomen Dei et Panamam, et eos, qui ultra id fretum
ad

ad Austriam se porrigunt, donec in Megelanicum desinant. Omnes ferme populos, qui cis isthmum sunt Panamae, ex Noruuagia, ortos, arbitror, his ductus rationibus. Islandiam a Noruuagis habitatam, euincunt utriusque populi monumenta, traditio, lingua, et imperium antiquissimum Noruuagiae in Islandos. Creduntur autem eo migrasse multi, ante annum Christi millesimum, cum adhuc Paganæ religionis esset Noruuagia. Ab Islandia uentum est in Gronlandiam, quam alii insulam putant, alii partem continentis Americanæ. Ibi quoque eadem lingua, idem iam olim imperium. Vicina ei Frislandia de qua extat commentarius Zenonum Venetorum, nisi ea forte pars est aut Islandiæ, aut Gronlandiæ. Huic proxima Estotilandia, pars continentis Americanæ, quam ex Frislandia piscatores adibant, duobus seculis, priusquam Hispani in nouum orbem uenere. Haec omnia nomina eandem habent desinentiam, ex uoce regionem denotante lingua Germanorum, quorum olim pars Noruuagi, ut ex Plinio, Tacito, immo, et ex ipsa lingua, et moribus, apparet. Sic et, quæ inde ad fretum Panamae extenduntur, terræ similis soni habent nomina, Cimatlan, Coatlan, Guecoslan, Artlan, Quaxutatlan, Zeiotlan, Icatlan, Tapatlan, Cinacatlan, Cinantlan, Tenuchititlan, Comillan, Metzitlan,

zitlan, Guatitlan, Necotitlan, Magitlan,
 Tuuoxcaltitlan, Ocotlan, Atilan, Curca-
 talan, quibus omnibus in uocibus, Hispa-
 norum pronuntiatio ultimam literam ex-
 triuit. Mexicani et eorum uicini, cum eo
 primum uenere Hispani, dixere, se non
 esse indigenas, sed, uenisse a Septentrione
 maiores suos. Quam autem primum, post
 Estotilandiam, infedere regionem, ea nunc
 quoque originis suae nomen retinet. Di-
 citur enim Norimbega, quod nihil aliud
 est, quam Noruega, sono ab Hispanis e-
 mollito, qui pro VV solent B ponere. Et,
 uersus Californiam, est populus, linguae
 eiusdem et institutorum cum Mexicano,
 et populus Alauardi, id est Langobardi.
 Hispani, Mexicam nouam uocant, cum
 uere haec sit uetus Mexica, unde in alte-
 ram uentum est, ante annos, ut aiunt,
 octingentos. Accedunt uocabula, quae
 multa apud illos fuisse Germanica, id est,
 Noruuagica, indicio sunt pauca, quae ca-
 su ad nostram notitiam peruenere. Teut,
 Deus Germaniae, sic et illis populis, Ba-
 god, Deus minor, imaginarius, Guaira,
 VVaiert, flabellum, Top-hos, capitis
 tegmen, Lame, Lam, agnus. Loca, ad-
 sita torrentibus, desinunt in Peke, pro Be-
 ke, quod est torrens Germanis. Plura
 haud dubie reperient, qui in ista uolent
 inquirere. Non leue originis indicium
 etiam in moribus. Iudices apud illos
 XII,

XII, ut olim apud Gothos, aliasque gentes Scandiae, et apud uicinos eorum, Saxones, unde in Angliam id uenit. Vita olim in uenatu, ut de maioribus suis narrabant Mexicani. Temporis putatio per noctes, infantium recens natorum in amne ablutio, aleae fides, ad libertatis usque iacturam, quae omnia moris esse Germaniae, ex Tacito et Germanis scriptoribus cognoscas. Viris singulis uxores singulae, exceptis nobilium paucis, quod Germanis tribuit idem Tacitus, ita, ut eos hac nota ab aliis Barbaris discernat, cum, contra, apud Scythas, ab omni aetate, usitatum fuerit, plures uni uiro esse uxores. Mulieribus, ut Germanicis, unae tantum nuptiae. Tribunalia in Florida, ad experimentum altissimi aestus, qualia Cauchos habuisse, Plinius nos docet. Animas corporibus superstites, ab omni aeuo, credidere, quod Lucanus tribuit populis, quos Arctos despicit. Corpore infames grauius puniti. Habes et hoc apud Tacitum de Germanis, quo et illud Quintiliani pertinet, in Oratione, pro Mariano, milite, qui Tribunum occiderat, *Sanctius apud Oceanum uiuitur*. Sellae singulis et mensae ad focum, sororum filii heredes, corpora ferme nuda, nisi, qua pudor id uetat, aliaque similia, quae Tacitus de Germanis prodidit, in iis autem, de quibus agimus, locis re-
perta,

perta, constat, Germanicam, non Scythicam, ostendunt originem. Etiam diis mactare homines, Germanicum, unde, feritate longius procedente, natus, apud quosdam populos, mos etiam humana carne uescendi. Quod autem modo dixi, hos citi a Isthmum Panamae populos fere omnes Noruagicae esse originis, non dixi frustra. Nam, qui Iucatanem et uicina quaedam loca tenent, eos alterius esse originis, docet reperta apud eos circumcisio. Multi ob id, quod, ex mari seruatos se, dicerent, Hebraeos esse, credidere, ex decem scilicet tribubus in Mediam auctos, inde per Tartariam progressos, in Americam, longo illo itinere, de quo agi, putant, quarto libro, qui Esdrae dicitur. Haec quanquam ita congesta, multos possunt in assensum trahere, mihi tamen se non probant. Scriptor Esdrae quarti plenus est inanum somniorum, id eoque ab omnibus reiectus. Nec America est, quo ille Hebraeos iuisse dicit, ipsi non minus illo tempore, quam omnibus aliis, incognita, sed regnum, quod sibi confinxere Iudaei, ultra amnem, ut aiunt, Sabbaticum, ad portas Caspiae, unde nullus unquam nuntius, nullae literae, peruenere, quod nec uidit quisquam, nec uidebit unquam, in hoc tantum repertum a Rabbinis nugiuendulis, ne promissa, de mansuro semper regno in semine Dauidis,

uidis, in IESV CHRISTO, impleta, et adhuc impleri credantur. Neque uerum est, in Tartaria fuisse Iudaeos. Et, quae quidam reperisse ibi se putant tribuum Hebraicarum nomina, uetera sunt Scythica, ut Euthalitae, non Nephtalitae, et sic cetera, quemadmodum uiri eruditi abunde manifestum fecerunt. Iam uero ad Lucatanem et loca uicina quod attinet, qui eo primum uenere, circumcisionem ibi repertam, tradunt, non etiam ceteros Hebraicae legis ritus, nec literarum eam scripturam, quae a multis temporibus penes Hebraeos fuit. Circumcisio autem multo latius patet, patuitque semper, quam Iudaismus. Et quod ortos se dicerent ab hominibus e raari seruatis, non ad mare rubrum, sed ad memoriam uniuersalis diluuii, cuius apud omnes gentes reperiuntur uestigia, recte referas. Vide, quae de ea re diximus, in Annotatis ad Librum I, pro Veritate Religionis Christianae. Rem tetigit Petrus Martyr, cum dixit, non dubitare se, quin ex Aethiopia, Oceano adiacente, nonnulli eo delati sint, quod facile euenire potuit prouectis non nihil ab ora sua piscatoribus, deinde, per uentos illos uehementes, qui recta in Americam ferunt, abreptos. Quale quid euenit nautae illi, a quo Columbus noui orbis notitiam accepit, et Indis illis, quos delatos ad Sueuorum littora, tradit Plinius.

us. Circumcidi autem, mos uetus Aethiopum, ut ante alios testatus est Herodorus, cuius rei de causis egimus in dictis iam Annotatis. Nec, qui Aethiopum Christiani facti sunt, ueterem hunc gentis suae morem deseruere, ut Alvarez et alii nos docent. Ab Aethiopibus est pronuntiatio literae, quae in Hebraeo respondet. Non est autem uetus ista, ex Aethiopia in illas terras deducta colonia, sed ab annis, ut ipsi dicebant, quingentis. Abyssinorum autem, eo tempore imperium ad Oceanum pertingebat. Et Christianos fuisse, qui illuc uenere, Aethiopas, colligimus ex baptismo, quem administrabant Lucatenenses infantibus, post annum tertium, ut Graeci et Asiatici, uocabantque regenerationem, et infantis parentes, ad eum pie celebrandum parabant se precibus, ieiunio, castimonia. Trahit nos eadem celebrata in Lucatane unctio in fronte, peccatorum confessio in morbis, honesta sepultura, et certa, de praemiis poenisque post hanc uitam, persuasio. Neque uero mirum uideri debet, si alia, ad Christianismum pertinentia, lapsu temporum, nullis ibi sacerdotibus, et populo negligente, interciderint, cum idem euenisse uideamus in Dioscoride, Rubri maris insula, quam nunc Sacotoram uocant, ubi de Christianismo, sane uetere, praeter baptismum et signum crucis, nihil reliquum repe-

reperere , qui ibi post Paulum Venetum fuerunt. Lingua autem quod nec plane Aethiopica , nec plane Noruuagica est in illo tractu , a Septentrione ad Isthmum Panamae , inde euenisse , credo , quod primum permixti fuerint diuersae originis homines , deinde , quod ex iis plurimi sine communi imperio uixerint , Cyclopum more , et nunc quoque fit in Florida , et , ante sexcentos annos , in Mexicana , aliisque regionibus , factum est , cui consequens fuit , ut singulae familiae propria sibi iunxerint uocabula. Venio nunc ad alteram Americae partem , quae ab Isthmo Panamae , ad fretum usque Magallanicum , eodem fuisse corporum habitu , moribus ac lingua , quo illi , qui ultra id fretum sedes habent , omnes , qui de eo tractu scripsere , consentiunt. Quare , cistretanos a transfretanis ortos , credi , par est , eoque magis , quod Peruani semper dixerint , in ea orbis parte homines fuisse sui generis extraneos. Illum autem orbis partem , quae trans fretum est et , quae inde , longo tractu , partim continuis terris , partim modicis fretis intercurrentibus , sub nouae Guineae nomine , ad usque Giloli , Iauae et aliarum Indici Oceani insularum , conspectum se porrigit , australem dictum in Tabulis , non aliunde , quam ab ipsa Iaua , aut Gilolo , habitatores ueteres , accepisse , credibile est. At
Peru-

Peruanorum ingenia multo elegantiora ,
iustique ac magni imperii capacia , aliam
testantur originem , quae , si quid uideo ,
non aliunde , quam a Sinensibus , paris e-
legantiae , parisue imperii , gente. Con-
firmant id , repertae ad oram Pacifici ma-
ris , reliquiae nauigiorum Sinensium , ut
Hispani tradidere. Nec mirum , si mul-
tum nauigatu exercitos Sinenses , in ter-
ras uno mari diuisas , aut quaerendi curio-
sitas , aut magnus humani generis propa-
gator casus , pertulerit. Solis cultus apud
Peruanos fuit , ante Hispanorum aduen-
tum , idem , ab omni aeuo , praecipuus apud
Sinenses. Et , quomodo rex Sinensium fi-
lium se dicit Solis , sic et Inchae Peruani
imperii reges se dixere. Scriptura Peru-
anis , non per literas , sed per rerum no-
tas , idque a summo chartae ad imum , ut
in Sinis. Sinensem quoque Mancacapa-
cum fuisse , arbitror , qui , cum esset admi-
randi uir et ingenii , et animi , ac compe-
risset , suae gentis homines trans mare bo-
nas obtinere terras , sed nullo communi
imperio regi eo se transtulit , dispersos in
corpus collegit , principatumque sibi ac
posteris suis , ad imperii Sinensis instar ,
constituit. Quod uero neque prope fre-
tum Indorum Asiaticorum lingua , neque ,
in Peruano tractu , Sinensis lingua , man-
sit integra , eius rei causas easdem fuisse ,
arbitror , quas , de mutatione linguarum
cis


cis Isthmum Panamae, iam modo attuli.
Haec sunt, quae de Americanarum gen-
tium origine, partim ex coniectura, col-
ligere potui, quibus si quis habeat certio-
ra, fruar lucro permutationis, et
pro eo lucro reddam gra-
tias.


*Edita primum fuit haec Dissertatio, A. C. c17
16.xLII, in 4. min., sine loco et typographo.*



John Carter Brown
Library







J714

A337c





